

muot³ mit / zitiger vorbetrachtung. ze den ziten vnd tagen do jch daz mit recht wol getuon³ mocht. für mich vnd für alle min erben. aines rechten redlichen jemer ewigen kouffs verkoufft. vnd für recht/fryg aigen ze kouffen geben hân. vnd gib ovch⁴ wüssentlich vnd eweklich mit vrkünd vnd krâft diz briefs den Erwürdigen minen genedigen herren dem Tuomprobst⁵. dem Tegan⁶ vnd gemainen/ Capitel des Tuoms³ ze Cûr vnd allen jren nachkomen dry Guldin genger vnd genaemer⁷ Curer werschaft jaerlichs⁷ zins vnd ewigen geltes ab vnd vss disen hie nachbenempten minen aigen / guetern⁸ vnd ovch⁴ die eigenschaft der selben gueter⁸, die Haintzli Sifrid von vadutz burger ze Cur Margareth sin elich wib vnd jro erben von mir vmb den selben jaerlichen⁷ zins ze Rechtem Erblehen / hand nach des Erblehen briefs lut vnd sag. so der selb Haintzli Syfrid vnd sin elich wib von mir versigelt jnne hand . . diz sind die gueter⁸. des ersten ain hus vnd stadel mit Garten mit / hofstatt vnd mit aller zuogehoerd⁹. gelegen ze Cur jn der statt da man spricht ze Clafutz¹⁰ vor der zust vber¹¹ vnd stosset hus vnd stadel vorzuo³ an die offenn lantstrâss. hinden zuo³ an / der vorgenanten miner herren der Corherren ze Cur guot³, hât michel von der Mûli, ze ainer siten an her Ruodolfs³ Bellazûnen Corherren vnd schuolherren³ ze Cur hus vnd hofstatt. vnd der Garten / stosset ze ainer siten an daz vorbenempt hus. ze der andren siten an des vorgenempten herren Ruodolfs³ Bellazunen guot³, ze der dritten siten an die gemainen strâss by der vndren Mûli. Jtem vss ainer juchart / acker an zwain stuken gelegen ze Cur vff dem veld ob Massans¹² vffin; vnd stosset statthalb an des Spitals ze Cûr guot³ vssrenthalb an ain gemain Gassun. oben-zuo³ bergshalb an volrichs¹³ von / Tux¹⁴ guot³. vndenzuo³ an ainen acker. hât Michêl von pattlanen. vnd an die Rechten lantstrâss; vnd daz ander stuk stosset aber an volrichs¹³ von Tux guot, statthalb an Cuenis⁸ Augustinen guot³, / vssrenthalb an die gemainen strâss. oben-zuo³ aber an Cuenis⁸ Augustinen guot³ vnd an der Tuomprobsty guot³, hat Haintz zwik ze lehen, Jtem vss zwain mannmatt wisan vff Marschiner¹⁵ wisan / gelegen. stossent ain halb an die gemainen strâss. awlrenthalb an den Mûlibach ze der dritten siten an hansen von fulpent guot³, Vnd vmb den vorbenempten jaerlichen zins vnd ewig gelt ab vnd/vss den vorgenanten guetern⁸